

嶺雲海日樓詩鈔

嶺雲海日樓詩鈔

癸卯甲辰稿

南武山人丘逢甲倉海著

同懷弟

輯
光緒甲辰輯編

夢題岳陽樓壁

夢擁靈旗寶纛行
鸞驂小駐岳陽城
濛濛雲氣開南極
浩浩江流作楚聲
衡嶽雁歸秋萬里
洞庭龍臥月三更
他年記取題詩處
南紀羣真抗手迎

次韻答友人

四首

天遣諸夷不亂華
自應驃騎不爲家
獨憐已似騎驢將
閒看西湖十里花

儻容儒術濟時艱
老抱遺經豈聽閒
河鎮未歸金世界

太師猶解薦龜山

庾信江南早賦哀平生蕭瑟漫論才百王道盡焚書曰
誰遣窺江虜馬來

遣日將詩也自宜故鄉猶幸有新知吟成自漉鱸頭酒
權當黃龍痛飲時

飲鎮平都司署賞菊爲題宋人所畫報捷圖

已過重陽菊尙開霜天賞菊此銜杯人饒輶畧來香國
花亦英雄上將臺粵水閩山文武會酒龍詩虎主賓才
西風吹解黃金甲醉看紅旗報捷來

次韻和友人除夕自壽

笑數雌雄幾甲辰梅花預報隔年春祭詩島佛才如故

守歲坡仙語更新自把屠蘇開壽讌兼持吟稿餽交親
東風更送明朝喜戴勝何妨屬老人

過三河弔翁襄敏墓

落日青山虎氣沈河流還齧故城陰地埋一代名臣骨
天鑒二邊守將心人物嶺東前史在關山直北戰塵深
英靈異代應相感一片寒雲遶墓林

翁襄敏公襄敏明末進士有戰守功後歸大埔縣三河故守似是襄敏之誤

題畫

四首

玉帶猶留此結緣金山樓殿聳雲烟何當自碾龍團餅
來試江心第一泉

金山

何處瓜牛舊結廬六時宮殿震鐘魚大江東去月西上

自閉山門讀道書

嵩山

金山看罷看銀山
山宮殿崔巍紫翠間
領畧江南好風景

散花人去老僧閒

銀山

虎踞龍蹠迹未消
尙留古剎話前朝
老僧不省英雄恨

夜夜寒江咽暮潮

甘露寺

題菊花詩卷

五首

北痛逆胡南篡賊
淵明心事菊花知
看花不盡千秋感
殘照西風又一時

誰吟金甲戰秋風
黃敗朱成事不同
儻有閒情來弔古
合編花史記英雄

寧向枝頭死抱香
不曾吹墜北風涼
如何海上新花樣

化作東夷大寶章

也知晚節留香好獨惜軍中少一韓任是黃花比人瘦
西風還擬卷簾看

百尺澄臺對落暉舊吟花處地都非重尋十七年前夢
飄盡黃金淚滿衣

贈謝生

逸編

人言謝生顛吾未敢從衆與言世界事談言動微中卽
令能顛亦復奇終勝老生了無用神州大陸殊可哀紛
紛老朽無人才眼中突兀少年在令我鬱鬱心顏開卽
今時事須放手安得人盡顛如雷謝生言論自由耳已
令世人駭欲死丈夫何止用口舌治世界事從今始時

哉時哉不可失東南風吹大海水

題蘭史香海填詞圖 二首

南宋國衰詞自盛各拋心力鬥清新零丁洋畔行吟地
又見江山坐付人

此是本朝初割地年來見憤已相忘重吟整頓乾坤句
誰更雄心似鄂王

題黃生印譜 二首

銘雀硯齋新印譜七年前見景韓樓蕭蕭風雨鮑江上
夜半題詩四壁秋

五洲莽莽起風雲待掃亡秦舊篆文留與他年添印譜
九頭獅紐大將軍

題劉銘伯制科策後 二首

米雨歐風捲地來有人策馬上金臺空彈賈誼憂時淚
共惜劉蕡下第才書劍南歸滄海濶河山北望戰雲頽
太平策在終須用且抱鄉心付嶺梅

早聞聲價重龍門一疏轟傳叩九闕吾輩當爲天下計
此才豈藉特科尊愁邊在陸龍蛇起夢裏當關虎豹蹲
誦罷高文鵝喔喔何時對舞共劉琨

劉銘伯名士曠廣東龍門人公之至友

君山

君山自是衆山君卓立中峯上插雲曾上君山最高頂
東南一氣盪氤氲

碧山在鎮平縣文福鄉之東北

嶺雲海日樓詩鈔

乙巳丙午丁未稿

南武山人丘逢甲倉海著

同懷弟

輯輔
兆甲編輯

題馬生美人寶劍圖

萬方儀態天風生素女始教軒皇兵長兵戈矛短兵劍
劍花夜發芙蓉燄越王鑄劍光滿池天遺素女爲之師
亡吳霸越賴有此世人但道由西子南風烈烈揚胡塵
雌雄劍化延平津可憐歌舞太平日臥薪嘗胆今無人
我來弔古越臺下眼中突兀扶風馬苦將古事作今圖
寶劍非真美人假下窮九地上九天轉劫將逢龍漢年
且尋南岳夫人去喚起千秋女劍仙

與高嘯桐同客廣州

平生我愧杜工部喜見高二十五才四海風塵雙鬢白
斜陽同上越王臺

贈秦人毛生

直從南北兩戒首走遍胡門到越門一髮青山殘照裏
尉陀台上望中原

對月同王戶部

一片長安月隨人萬里寒獨憐滄海客同向越臺看肝
胆光能照河山影未殘浮雲自西北惆悵倚闌干

龍門之桐行贈劉銘伯

龍門之桐斲爲琴冰絲玉徽音古音琴師携奏九天上

繁絃急管聲爲瘖百神觴帝宜有此不信天樂翻崇今
五尺之囊裁古錦韜以南下江湖深明堂清廟非不用
且用邦國坊民淫鴟鴞在泮驚在林鳳皇不來愁人心
誰扶孤陽抑羣陰嗟哉琴德何愔愔

送朱古薇學使乞病旋里

二首

三年持節遠朝班要乞君恩更賜閒人旣讀書同博塞
天將盛業付名山右軍誓墓心誰白永叔歸田鬢未斑
惆悵閒鷗滄海上也隨桃李惜春還

參苓藥籠富收藏只有當歸切病方卿貳中朝虛位望
科名未造賤文章千金行橐餘仙謫五月征輶照佛桑
至竟漢廷思汲黯未容移疾老江鄉

宋古微名祖謀清末任廣東學使

醉歌示徐生

天下汹汹黨人死神師一呼羣盜起此時理亂都不聞
心醉君家老孺子欲爲孺子吾不能短衣匹馬秋呼鷹
袖中一卷英雄傳落日來登漢帝陵

放歌與陳伯貞

南飛烏鵲棲無枝老驥伏櫪悲鳴時明明如月不可掇
江頭橫槊來賦詩大江東去流戰血明月依然作古色
可憐暮年烈士心夜半高歌唾壺缺文王周公安在哉
古人已去今人來三分未定天下局一將正少當時才
我愛陳琳工草檄居然解愈頭風疾世間力足生殺人

武士之刀文士筆且須飲酒休談兵英雄兒女同多情
二喬已向吳宮老銅雀年年空月明

送長樂學生入陸軍學校

蠻夷大長作尉地猶有當時武士風今日推翻古人局
要看時勢造英雄

越臺書感

漠漠南雲倦眼開十年三度此登臺地隨落日天邊盡
人共秋潮海上來木石尙留仙佛氣江山不稱霸王才
倚闌欲遣茫茫感更向何人借酒杯

南園

玉帶河邊萬柳絲跨河樓閣鬱參差重來祇恐風光異

再爲南園住少時

寄劉銘伯

昨夢君從海上歸十峯軒畔解征衣覺來江浦潮初上
夜半開門月滿扉

題王壽山先生人心盡如此圖

人心不和平天下亂未已誰言治天下不自人心始圖
中之人蓋知此偶出鳴琴作宰官作詩作畫皆琴理詩
臻清品畫逸品琴韻冷冷滿山水山虛水深吏歸矣我
居君山西君居君山東相去百里近相隔百年中百年
未滿萬事變人心非復君時同此時張絃論天下自非
更改難爲功奈何古樂付俗手一任繁急乖商宮題君

此圖心忡忡安得瑤琴一曲鳴薰風

王壽山先生謫居惠州松源堡人

贈伯瀾

乘興曾遊大海東櫻花開處唱秦風
歸來小試經綸手一卷周官補考工

伯瀾姓陳名榜時爲兩廣工藥學堂監督

珠江夜送嘯桐之梧州

四首

年年代作嫁衣裳塗抹今爲新婦妝
莫道女兒羞未學教兒忙比養兒忙
送人作郡鬼揶揄同是當時舊酒徒
能唱尊前渭城曲故應心計未全羸

江山風月好亭臺觴詠應須老守才一語叮咛君記取
莫因官貴少書來

後夜相思益渺然蒼梧遙隔夕陽邊他年儻憶今宵會
此是當時載鶴船

寄張堅白桂林

一別一年久相思日幾回桂林多勝境藩伯況雄才未
敢論時局惟應借酒杯寄書無別語千里索詩來

張堅白名鳴政贈未嘗爲兩廣總督

長句與晴皋索普洱茶

滇南古佛國草木有佛氣就中普洱茶森冷可愛畏邇
來入世多塵心瘦權病可空苦吟乞君分惠茶數餅活

火煎之簷蔔林飲之縱未作詩佛定應一洗世俗箏琶
音不然不立文字亦一樂千秋自撫無絃琴海山自高
海水深與君彈指一話去來今

陳伯潛學士以路事來粵相晤感賦 二首

三十年來萬事非天涯淪落識公遲橫流滄海無安處
故國青山有夢思鑄鐵屢聞成錯字造車此是出門時
他鄉同縱登高目斜日黃龍上大旗

臺嶺岩堯海氣昏貞元朝士幾人存秋江漠漠魚龍夜
上界沈沈虎豹尊分野直疑連鬼宿買山何處覓公墩
乾坤整頓關吾輩先遣南車走越門

陳伯潛名寶濤清宮統帥師福建人

沈愛蒼於臬署新作小亭

濤園佳話吾能說還合題名作沈亭海上月華連夜白
天涯草色爲誰青偶收棄地成奇境儘借羣山作畫屏
他日五羊圖故事也應添寫少微星

次韻南園小山遇雨

橫看成嶺側成峯怪石參差地足容正喜園林饒氣象
忽驚雷雨起蛟龍半池新水花初落舊壁殘題辭未封
歸去更欣逢夕霽東南回首海雲濃

夢中

繡旗猶颭落花風不信樓臺是夢中十二闌干搖海綠
八千子弟化春紅奔馳日月無停軌組織河山未就功

車下懶龍呼不起，鈞天罷奏太匆匆。

南園對月

南園一片娟娟月，曾照詩人更美人。窮海未應人物盡，
中天還見月華新。百年耆舊誰高詠，萬劫光明此法輪。
應有珊珊環珮影，夜歸來弔柳梢春。

題滄海遺民臺陽詩話

如此江山竟付人，干戈留得苦吟身。亂雲殘島開詩境，
落日荒原泣鬼燐。埋碧可憐黃帝裔，殺青誰作素王臣。
請將風雅傳忠義，斑管重回故國春。

送夏同甫還浙兼訊湯鰲仙

玉帶河邊折柳條，送君歸看浙江潮。九秋鵬鷃詩心健，

萬變魚龍海氣驕吾輩尙謀文字樂何人解向國魂招
歸舟儻見山陰客爲道雄心鬱未消

揚蟹仙名壽潛浙江山陰人已丑進士公同年也

寄和崔蘭西七夕感懷

玉合金鍼故事遙離人自寫可憐宵沈沈舊院收魚鑰
隱隱星河夢鵲橋天上雙星窺分野人間萬感溢思潮
柳州屢乞仍難巧聊報瑤章作解嘲

宿西校書堂

迢迢銀漢自橫天隱几西堂客未眠潮信入城知夜半
櫓聲搖月過簾前

題王壽山先生釣月圖

得水月光活能詩畫意深直將垂釣意自證妙明心殘
魄支天地扁舟閱古今秋江妙無際何處訪拏音

中秋白雲山能仁寺看月有懷覃孝方周立之

二首

袖君詩入白雲去吟向白雲山上頭潭底睡龍驚起聽
萬峯明月一輪秋

苦口人間度有情一微塵裏萬魔生于今剷却機鋒語
宴坐空山看月明

白雲山在廣東城北
覃孝方名壽並湖北人時在兩廣學務公所任職

題平遠凌生自作壯游圖

二首

自從蒸氣走車舟萬里都成庭戶游安得壯行兼絕技
徧將名勝寫全球

未能游展徧人寰歸隱何妨且閉關奇絕南臺五指石
不妨圖寫好家山

法政學堂宴日本法學博士梅謙次郎同行結城
琢卽席有詩因次其韻

沈沈大陸寶華饒南嶺秋迎國士輶海上釣鰲三島近
人間相馬九方遙烟雲過眼資探討珠玉揮毫破寂寥
自笑捉刀閒處立西風長嘯越江潮

送王鐵珊

定交傾蓋立談時此意難教世俗知同抱奈何天地感

五年前已遠相思

馮樹堂韓夫子祠如此江山已讀前賢留駐氏把酒弔馬將軍墓奈何天地竟持殘后付英雄予鄭州金山酒樓聯語主一見卽誦之云五年前在

韓莊軍
卽知之

秋風落日五羊城一舸西南船名客送行別後蒼梧勞遠
夢青山萬疊暮雲橫

題潘鴻軒百花卷

蘭史祖也

卽教論畫亦名家墨氣蒸成五色霞展卷如逢仙世界
令人長見四時花

次韻答友人

橫樂當歌萬慮空復聞吐哺有周公揮金逕欲求奇士
好色何曾諱國風百萬逢場仍縱博十千沽酒更新豐
平生整頓乾坤手要見神州日再中

重陽日傍晚登粵秀山

蕭瑟秋心付五羊尉佗臺上作重陽西風吹帽林容老

落日平欄海氣涼
城郭晚來烟霧合
江山前代戰爭忙
野僧不解登高意
自杵寒鐘禮梵王

次韻答周立之

地老天荒不愛才
呱呱哭後已留哀
千年狗曲亡生氣
一夜龍雷起死灰
亂世詩書儒發塚
中原旗鼓將登臺
茫茫四海無安處
且醉新亭濁酒杯

送岑雲階

督滇黔

移督滇黔

四首

詔領兼圻卽故鄉
一時家國並榮光
古來百粵文身地
再見千秋畫錦堂
郭令門庭多節鉞
晉公勲業有文章
誰知中外聲華滿
裘帶雍容四十強

南天一柱靖邊塵
武緯文經百政新
遼主能教戒生事

鄴侯安得乞閒身雲中守自須名將河內人猶借重臣
鄉國二年功百世謳歌何止晉秦民

西江一水接牂牁帝念先臣舊部多俎豆千秋崇廟貌
河山百戰定干戈車前父老扶鳩拜徼外蠻王貢象過
等是黔寧仍世鎮滇池無恙但微波

曾拜先公卅角時當年何武解歌詩郎君行馬偏忘貴
文字雕蟲尙見知鈴閣看移陶侃轡戟門留讀廣平碑
此邦宰相迴翔地願祝重來啖荔枝

秋懷

次賈孝方韻

萬里風雲願竟酬軍前歌舞作中秋黃金鑄闕開藩部
碧玉通江建節樓十道分封諸將爵五湖歸老美人舟

年來此意成蕭瑟匹馬西風莽浪游

崑崙山勢走中華赴海南如落萬鴉縮地有人工幻術
通天何處覓靈槎沈冤烏口空銜石酣夢人心久散沙
彈指光陰秋又老長繩難繫夕陽斜

中原王氣黯東遷歎鳳嗟麟意惘然人物真成一丘貉
文章更噪六朝蟬繞籬晚菊寒誰采補屋秋蘿冷自牽
消盡美人遲暮感素書一卷獨編年

斜陽圍聽說場詞我亦曾驅十萬師破碎河山開國史
飄零風雨出軍詩海中故部沈蒼兕雲裏殘旌失素蜺
歲自周天天自醉紅墻銀漢隔秋思

山南山北枉張羅雲路冥冥鳥去多四海論交幾投契

千秋自命未蹉跎中原麟鳳陳陶歎大漠牛羊斜律歌
老我秋風無一事十年雄劍不曾磨

名駒未悔困驕鞍驚鳥何曾惜羽翰人到窮愁思著述
天留豪傑濟艱難衣冠文武浮雲變雷雨蛟龍大海寬
不信平生飛動意但將文字救飢寒

明明如月撥愁開欲取黃金更築臺朱鳥莫將歌當哭
紅羊休信劫留灰著書覃子原仙骨願曲周郎有將才
收拾雄心且行樂五雲多處覓蓬萊

酒迫桓溫走老兵詩看秦系破長城英雄失路羣兒笑
獨客逢秋百感生滄海桑沈栽後影鈞天樂斷夢時聲
尉佗臺上西風急來寫登高送遠情

疊前韵

鳳舞鸞歌自酢酬螭蛄莫漫話春秋人間佳麗黃金屋
天上神仙白玉樓彈指華嚴成幻相側身塵海有虛舟
西風闐闐無消息且作盧敖汗漫游

舊事重重託夢華六朝金粉剩寒鴉山中小有留人桂
海上虛無泛月槎故國音書遲雁帛殘軍屯落滿蟲沙
金烏太是無情物纔寫秋心影已斜

天時人事互推遷窺井明看火不然上地徘徊來怪鳥
故家淪落有窮蟬梧桐未老心先死牛馬無能鼻任牽
欲訴閒愁寄明月不知天上是何年

落葉聲中酒不辭海天遙韻託琴師無邊風月供傷別

如此江山合賦詩
五夜壯心消鼓角
九秋殘影失虹蜺
相看但作淒涼色
難向芙蓉幟綺思

亭亭海樹立波羅
瓣瓣天花散貝多
丹穴求君太唐突
雪山成佛已蹉跎
雙龍輸酒夷徵約
么鳳收香客按歌
鑲鈿五中無限恨
不隨金石共消磨

紅錦障泥七寶鞍
拓弦天半落飛翰
貴游風氣豪原易
衰世人才俠亦難
燕市博徒空自負
漢家文網幾曾寬
劇憐變徵歌聲歇
白日蕭蕭易水寒

愁城欲藉酒杯開
中有周王避債臺
搜盡黃金空鑄淚
謗深白骨易成灰
龍蛇起陸寧關運
鷄犬登天各自才
欲就麻姑同語海
等閒情淺到蓬萊

別遣蚩尤作五兵
火攻無術保堅城
中原不信消王氣
上帝何曾愛衆生
地下干戈龍戰血
天中絲管鳳鳴聲
大雄冷灑慈悲淚
疲盡津梁度有情

再疊前韻

碧海蘭苕偶唱酬
詩人從古例悲秋
千林落日僧歸寺
一笛西風客倚樓
塵世折磨增老境
江天空濶有漁舟
不須浪跼飛鳶日
已念平生馬少游

滿地涼雲漾月華
古堤疏柳已棲鴉
玄霜夜搗姮娥藥
銀漢秋廻海客槎
飲酒且同陶靖節
上書不慕賈長沙
梧桐院宇清陰減
臥看天邊雁字斜

江山不共歲時遷
看到秋容也黯然
漠漠平沙飛獨鳥

蕭蕭落葉咽哀蟬高樓綠酒金龜換古井青絲玉虎牽
錦瑟春心無處託冷拋絃柱感華年

淚灑千秋絕妙辭風流何處有吾師一編斷爛前朝報
百感淒涼樂府詩夢裏藏舟移夜壑醉中呼劍斫雌霓
秋江冷共魚龍臥不盡平居故國思

漫隨鷁子過新羅定後禪心入妙多賢聖與人同寂寞
英雄何事悔蹉跎色身優鉢花重現樂譜迦陵鳥自歌
風浪不生雲不起青天碧海鏡雙磨

年年鄉夢阻歸鞍恨不隨風化羽翰捲土重來心未已
移山自信事非難雨餘瑤瑁潮初落月下珊瑚島漸寬
地老天荒留此誓義旂東指戰雲寒

銅鼓聲中海霧開大江東去客登臺素車白馬千秋淚
紅粉青衫萬念灰逃酒未應衰鳳德讀書誰信臥龍才
文章刊落身將隱不待山妻勸老萊

未得蕭郎作騎兵已教鮑照賦蕪城枯桑搖落天風急
殘夜蒼涼海日生怖鴿露寒依佛影憤鼉潮起應軍聲
新歌懶付珠兒女自寫崟崟歷落情

三疊前韻

忍把河山作報酬五陵佳氣鬱清秋參差碧瓦何王殿
零落璇題故相樓遺幕逃亡驅鹿部禁池闌入打魚舟
百年父老關東盡無復秋風望豫游

烽火關山駐翠華月明宮樹有啼鴉海神連弩邀秦輦

天女支機落漢槎環衛千牛歸素仗窺邊萬馬蹴黃沙
行人莫問前朝事秋草離離御路斜

沙堤走馬幾除遷烜赫聲華頓寂然叢棘墓門無大鳥
古槐臺省有寒蟬升沈粟羨侏儒飽歌哭絲將傀儡牽
坐致三公待佳傳白頭閒過太平年

五等勲庸費制詞廿年強寇滯王師乾坤幾見迴元氣
箕斗頻聞入怨詩故事空文懸日月極天荒象阻雲霓
長星勸汝惟杯酒戎馬關河擾夢思

誰持鈴鐸召修羅白日荒荒鬼氣多地火動搖阿耨達
天龍奔走跋難陀十方已竭降魔法八部猶喧讚佛歌
依舊寶光瓔珞相故應塵劫不能磨

河聲岳色送征鞍
宮扇雲移彩鳳翰
載寶尙聞朝絡繹
要盟誰念事艱難
雙懸日月天如故
百戰河山地本寬
留與四方哀痛詔
萊蕪風雪話飢寒

海氣陰陰晝不開
秋生遼后舊妝臺
黃金天長修宮價
黑土人訛止水灰
鳳閣平章新改制
龍門游幸各呈才
春風回首華清浴
白玉蓮花沒草萊

獵獵牙旗北府兵
將軍授鉞擁連城
材官並用蠕蠕國
幕府兼羅觸觸生
豈有夢工詳圻翼
更無故伎識雌聲
太冲長揖歸田日
不盡秋風詠史情

四疊前韻

眉史修成待酒酬
江南花草不曾秋
牙檣錦纜三千里

淡粉輕烟十二樓水閣笙歌開曲宴河橋燈火數行舟
龍蟠虎踞應猶昔惆悵西風白下游

竹西歌吹舊繁華落日雷塘噪暮鴉綠舫呼箏歌玉樹
青帘沽酒醉銀槎才人十錯猜新謎游女雙彎踏淺沙
欲寫古歡隋苑夕二分明月玉鉤斜

夫差不願用東遷弔古蘇臺意惘然香徑有花棲晚蝶
梧宮無樹語哀蟬淒涼兒女千秋淚佳麗江山萬念牽
何處夜深騰劍氣虎丘衰草自年年

才人例喜騁雄詞此水能當十萬師南渡君臣多失策
西湖風月最宜詩梅邊移舫飄香雪柳外通橋落彩霓
未許吳山輕立馬等閒留作畫中思

誰遣西施出苧蘿興亡事在女戎多臥薪夜室仍教舞
采馘春山更試歌千古風流成怨毒廿年雪恥未蹉跎
浣紗溪女應相憶一舸鷗夷恨不磨

流落英雄老據鞍能教龍鳳起鱗翰江山殘局三分定
豚犬諸郎一戰難名士鯽來春水長女兒花發大堤寬
千秋形勝荆襄在落日城頭畫角寒

扶桑日出海雲開來訪瑯琊刻石臺北徙河流關王氣
東封泰岱憶雄才少年結客黃金盡方士求仙白骨灰
極目青齊平野濶莫教形勢失登萊

中原百戰未消兵落日黃河繞汴城道士墜驢天下定
香孩夾馬聖人生重蘇地脉金刀夢遍散春風玉笛聲

周鼎已沈何日起洛陽回首不勝情

五疊前韻

客懷難借越裝酬雁翅城荒海氣秋鈴語顛風六榕塔
簾鉤落日五層樓雕青俠少鵲鷁會拾翠佳人孔雀舟
消耗壯心無處着十年閒作嶺南游

珠江從古號繁華都付斜陽萬點鴉霸主宮庭餘斷柱
仙郎河漢歇浮槎黃金鑄橘公孫樹碧海栽桑子母沙
欲寫美人香草恨秋蕪滿地素馨斜

羅浮春釀慰南還小飲酥醪意兀然水稻香疏樓夜鶴
木棉陰薄曳秋蟬趁墟貨集狂人出過濫船遲蛋女牽
漸習土風思載筆欲將盤古起編年

蠻夷大長亦工詞竟築朝臺望漢師生爲大夫除帝制
死留奇女報佳詩蛟精異代仍黃屋龍氣中天化白蜺
一笑南強成底事看花空發美人思

漫將宮歷紀樓羅歌舞江山樂事多石洞逢仙詞恍惚
洛川置守事蹉跎殘圖牛角紅雲宴遺懺羊頭白雨歌
留得鐫年雙鐵塔不教王挺共消磨

豈有奇雲起馬鞍且收霸氣入詞翰分來玫瑰傳宗易
醉到芙蓉救劫難蠻市銀荒王面變祖洲藥秘鬼心寬
登高欲縱中原目一髮青山夕照寒

莫言詞客例能哀潦倒秋心唱越臺碧玉奇裝彫短髮
黃金淫祀蕩飛灰九牛欲起梟雄夢一虎終需控禦才

那有仙山樓閣在劇憐左股割蓬萊

時難年荒未罷兵高秋騎馬出佗城白雲寺古山容瘦
黃木灣深海氣生南雪掛松飄昨夢西風吹荻戰秋聲
大江東去人西上難遣茫茫百感情

嶺南春詞

八首

小春十月梅花已開嶺南固梅花國也爲作嶺南春
詞八章使諸生譜之風琴其聲益頗雄而雅云

萬紫千紅不敢開先春獨讓嶺頭梅亭亭玉立天人相
天遣稱尊花國來

羅浮仙鳥聲琅然喚起春魂遍大千大千頓現梅花國
要把梅花作紀年

瑤姬遊戲愛春華鍊海成香轉帝車天上玉龍三百萬
一時齊化嶺南花

老幹槎枒花滿身冰霜丰骨玉精神掃除海內風塵色
獨立嶺南天地春

十年不負種花心萬玉千珠花氣深鋤罷月明吾事畢
看栽成樹樹成林

千林萬林落木空空山一笑回春風誰知大地陽和氣
都在暗香疏影中

不知人事有冰霜戰退群陰玉魄強偶現色身仍本色
自開香界布天香

開過南枝開北枝天心冷暖花能知請看花落仍留子

正是人間渴望時

百字令

次廖伯喬韻

嶠南人物問當今誰是曲江風度萬劫不磨雄直氣空
剩屈陳詞賦秦戎哀雲越臺弔月愁聽秋蟲訴南宗未
墜菩提何碍無樹 歷歷彈指光陰論橙品荔鄉味將
人誤潦倒英雄成末路飽領涼情熱趣倒海澆天剖雲
行日夢裏留奇句功名塵土浩歌還譜朱鷺

廖伯喬南海人擅真生時爲廣府中學教習

滿江紅

越王臺

次伯喬韻

逐鹿中原問何故閉關自域思舊事登高弔古五羊城
北椎結雄稱南武帝抱孫左纛朝儀赫笑此臺高瞰百

蠻天何因設 甘心受新王
職彈指頃千年隔訪霸圖
一片夕陽無極殘缺不完
南越國老夫心事何人識
祇江山雄繞古臺基今猶
昔

越王臺在廣州城北粵秀山越井岡爲南越王趙佗登高處

次韻答伯瑤

萬里重陰撥不開杜陵空剩賦
詩才眼中王質殘棋局
夢裏胡僧舊劫灰大角氣沈
箕子國落花愁上越王臺
可憐歌舞湖山樂苦被江頭
戰鼓催

將之嶺東勸學沈濤園廉訪
以長句見送次韻奉
答兼柬岑雲階張堅白

十年重作廣州客斜日朝臺
感今昔上將高談橫海壇

經師別換名山席要令五管盛文治萬派新潮海天碧
少年豪想鯤鵬化羣蠻獷俗豚魚格朝廷正用名臣後
畀養人才培國脉使節聯翩後先至侯伯穀蒲耀圭璧
並念先公竹馬兒雖作荒傖猶護惜沈文肅公襄勳巡臺時皆曾一見平生空
慕倉海君無力能禡虎狼魄新交子房偏我厚臥我元
龍樓百尺門前更留京兆馬明月清尊永佳夕青眼高
歌送我東惜我才薄無能役神州百年感桓溫廣武一
歎同阮籍

調頌丞 四首

新得佳人與護持不愁撚斷苦吟時但妨說有談空口
怒觸河東夜半獅

我見猶憐況老奴傾城顏色固應殊不知鏡裏新郎面
已似桓公蝟磔無

梅花開送隔林香鬱鬱寒松色半蒼若解嫦娥愛年少

龍宮先檢染鬚方

姜爲霖
林氏青衣

海外戈船憶異軍虬髯消息斷知聞李郎一妹空惆悵
不見東風起戰雲

韓江有感

道是南風竟北風敢將蹭蹬怨天公男兒要展回天策
都在千盤百折中

書孝方與蘭西書後

二首

海外歸來百感生大江東下客西征沈沈廣澤聞狐語

漠漠寒空過雁聲萬斛盪愁京口酒四更殘月石頭城
一書慷慨論身世悽絕天涯此夜情

何方着足許吾徒如此江山淨土無凍雀閑羣嬉壞幕
飢鷹趨食掠平蕪千卿甚事寒池水置我休持熱火鑪
書中有強
迫丘公語風雪滿天塵滿地可容垂釣老江湖

寒入

寒入重襟睡不濃寺樓初打五更鐘開門忽覺前山雪
白遍東南四五峯

秋暑得雨

殘暑酷未已迫人無少休晚雲低送日涼雨颯生秋葉
落聲何急苗枯病或瘳眼看時物變聊用寫離憂

書事

七尺珊瑚綠玉盆
寶花璀璨照天門
洞庭新進龍君貢
壓倒汪洋北海鯤

題仲遲月中課讀圖

一年幾度見明月
況值紅羊換劫年
萬里河山方破碎
一家兒女共團圓
羣龍無首今何世
雌鳳清聲夜滿天
我正憂時不成寐
將詩題寄彩雲邊

短歌贈陳伯瀾

終南大華遙相望
從天東下黃河黃
千年王氣久消歇
秋陵思哭秦漢唐
二原陳生胸有史
東隨黃河觀海水
茫茫海水揚胡塵
嗟哉何止秦無人

嶺雲海日樓詩鈔

戊申稿

南武山人丘逢甲倉海著

同懷弟

輯軸編輯
兆甲

春陰和覃孝方

二首

極目平蕪欲化烟
春愁黯黯不成眠
半醒半醉簾垂地
微雨微晴水拍天
望裏花光渾暗淡
夢中雲氣太纏綿
伏雷未起蛟龍蟄
閒過東皇混沌年

如霧如塵渺不分
碧濛濛地暈斜曛
昏沈雷雨龍蛇氣
慘澹江山錦繡文
九錫綠章花待命
五原青幕鳥呼羣
天公懶展傷春日
俯瞰神州但密雲

感春和覃孝方

二首

花發日南天看花獨惘然春風吹白髮海雨濕紅棉夢
落蠻雲外愁生越鳥邊天涯鸞鳳侶飄泊又經年

春山二三月東風桐始花花中么鳳穴花下美人家風
軟傳吳語溪香浣越紗相思寄紅豆相望隔青霞

次易實甫觀察卽席韻

絲竹當筵酒復醇茲游未負嶺南春落花風雨逢今日
香草沅湘見美人門第烏衣笑王謝文章蟬噪薄梁陳
平生雅憶橫江楫愧向江東作寄民

易實甫名順鼎

前韻二首

賢王當代幾恭醇四海荒荒五十春玉斧河山非故土

金滕雷雨屬何人杜鵑巢冷詩仍作鸚鵡盟寒疏枉陳
豆粥蕪羹前詔在也曾哀慟慰臣民

未必苟揚便大醇悔將文字誤青春相逢破碎支離局
如此崟崟歷落人滄海潮流沈大陸中天星象動鈎陳
黃龍旗颭東風急待看雄軍起國民

題易實甫所藏張夢晉歲寒三友圖實甫自言張
後身也

歲寒圖裏松梅竹誰遣山茶代老松古夢喚同緱嶺鶴
仙身呼証洞庭龍拈花一笑人何在公案三生事偶逢
悟徹畫禪無我相滿天明月寺樓鐘

題實甫所藏廬山開先寺宋牧仲施唐人地獄變

相圖并寫經殘卷

金經已不完泥犁亦殘照茫茫一片匡廬雲出山徧証
人天果

三疊醇字韻贈實甫

少年詩筆已精醇家近桃源氣易春四海顛雷震詩客
三生圓月賺春人龍蛇走壁呵天問珠玉揮毫對佛陳
落日裨牛山下路未容投老作山民

四疊前韻

聊共曹參日飲醇東風沈醉不知春此身未願謀三窟
吾學原期敵萬人細柳軍籌尋劇孟流蘇步帳擁嬌陳
年來豪興都消盡已署頭銜號逸民

五疊前韻

物我安能共化醇昏昏八表也同春揮斤競鑿中央帝
搏土先愚上世人士氣木鷄遲待養儒書芻狗罷重陳
寄愁天上愁天墜那有星球許殖民

禽言

和姚俊卿孝廉笏六首

越鳥巢南異音震耳以別常聞爲宣厥臆賦禽言

天弔水元雲黯黯天色死蓬髮如霜不自理玉榻金床
臥忘起八柱搖搖半頽隄佛哭仙啼怖天毀天公揮淚
作洪水流下崑崙爲禍始天弔水

樹枝燒得著十日並出軌道交錯妖光怪芒天焚地爍
手無后羿弓安得九鳥落搏桑根焦海水涸樹枝燒得

著

兜兜汝有田疇予用有秋汝車汝舟予惟權是求胥人而讐胥鬼與謀山竭海枯無孔不搜不竭不枯予沽予售予惟鬼之酬載冕載旒亦莫敢予尤兜兜

先顧先顧蹇人上天天有路天門沈沈生紫霧愚者不悟智者悟海上有秘方黃金良可鑄爾徒赤手謀青雲羣仙不歡天亦怒河間車斑斑何不謀之河間姹先顧先顧

歸飛歸飛鳳皇南飛桐落竹稀集枯忍饑水無尊孤山無蔽蔽芒芒四野爾安適歸歸飛歸飛

都護都護汝屯汝戍汝倉汝庫飽汝潼酪雄衣猛褲海

不及煮山不及鑄赤地萬里惟汝之故山裂海飛強者
天仆我戈我矛我劍我屨正我索冑張我韶護我婦我
孺十日大酺勿夢夢天天今云寤誰爲天言朱鳥有味
都護都護

送蘊白之京

二首

廿載風塵兩鬢絲眼中世局太離奇馬蹄重踏春明路
只有西山似舊時

一官垂老如雞肋百口長貧借鶴糧猶有開元舊時曲
錦袍牙笏再登場

蘊白許南英字

席上作

兒女英雄海上緣東風吹散化春烟相逢欲灑青衫淚
已割蓬萊十四年

題崧甫弟遺像

三歲識四聲七歲能文章十三冠童軍英聲震文場平

生性沉鬱雅不樂爆彰宅躬已高潔治事尤精詳奮起

佐義師大節何慨慷

中日事起弟奉檄辦理全臺義軍營務處

先憂後樂志未遂眼看

海化田栽桑眇眇一秀才詔令僑海陽

歸粵爲海陽學廩生由許中丞奏奪旨

蘆中

之人信窮士國仇家憤何能忘吹簫不爲吳市乞卜鄰

石戶同農忙山中千樹桐澤中千足羊無聊聊讀貨殖

傳更用陶朱公策施之商

弟在臺以蘆中人賦受知唐中丞以貨殖傳書後文受知劉中丞其先憂後樂賦祖機全以朱史事尤爲顧方伯敬

贊傳誦一時師淵則以擬范蠡致文種書受知張尙書自丁酉後弟往來潮嘉間兼事農商

人生患難思骨肉況乃兄弟非

尋常少爲失母雖出入相扶將

先母陳夫人見背弟七歲于方十六

以父爲之師

讀書同一堂

予與弟皆未更他師

雙峯之山何我我大甲之水何湯湯

瑞蓮王子池古柏大部莊何須風雨夕始復思聯床

雙峯在苗

聚縣之銅鑼潭予與弟皆生其地大甲溪逕東勢峭而出祖宅在焉瑞蓮堂在王子社舊居乙酉丁亥間地遠屢有並蒂者柏莊在大部處新居皆蓋瑞蓮地此情此境曾幾

日君年且壯予且強渡江忠義人俗口誚曰愴方同籌

畫宇宙分內事將飛斂翼聊徜徉二豕渡河歲云暮送

君韓江江上風帆張誰知此別遂永訣至今每過淚灑

江亭旁春風吹客忽出海豈復再覓扶餘王臨行不得

一握手心有萬緒誰度量二書海外竟絕筆語語真摯

尤心傷

亥冬同書定嶺東司文學堂事弟遂歸嶺平山居予送之潮州上水門外庚子春予以學堂事出南洋就島特弟不來遂行在新洲得弟信者三

憂患焚

和抑何亟滿腔熱血冰難涼丈夫死牖下恨不爲國殤

是時乾坤正翻覆目不忍視能無育飄然撒手不姑待
南溟有客方歸航聞喪復聞亂百感增茫茫誰爲賦大
招返魂終無香魂來夜黑曉得耗信知夢寐非荒唐登
墳一哭千古慟空山轉眼今幾霜渡臺船鍼指辰巽山
中墳向如其方化爲黃鵠有羽翼東南飛定還吾鄉黃
鵠能言反乎復天荒地老此恨終須償安能浪信人言
已成佛弟生有佛數家人夢中亦見弟言已還佛位幻視世界無興亡佛言我相卽非
相此圖何乃神揚揚每見此圖在不信其人亡其才未
展肆其貌非老蒼豐其智能嗇其壽生才何意吾直疑
彼蒼神龜不可呼安得叩九閭吾家世忠孝卜者言將
昌不于其身于其子丹山已見雙鳳皇益之一鳳雛三

鳳方翺翔視此圖中人前輝而後光題圖者誰爲乃兄
義師故帥虞曹郎

題凌孟徵天空海濶移詩鈔并答所問臺灣事三首

欲向天空海濶處來訪天空海濶移九江門下幾人在
風雨蕭蕭高詠詩

多君欲問台灣事曾作大將軍現身滿目劫塵無法說
青天碧海哭詩人

牙旗獵獵捲東風舊事眞成一夢中自有千秋詩史在
任人成敗論英雄

凌孟徵名鶴書

送實甫游羅浮

君到羅浮去蓬萊在眼前文章小蟲鳥奴隸古神仙呼
日出雲海驅龍起洞天安期如可遇休話避秦年

放歌次實甫將別嶺南韻

仙不在菖蒲磧佛不在風幡堂勞君打包出東林騎鶴
離武昌與君携手南極旁坐看東海惡潮撼樂浪西嶠
戰雲連點蒼地下門麒麟天上斂鳳凰有矢不得射貪
狼有弓不得掛扶桑三十六軍盡女子軍中之氣安得
揚乘軒三百人濟濟何蹒蹒江南李花河北楊天下方
歌斌媚娘甕頭揭取六一泥放出北斗斟天漿上天誰
御蛟龍車渡海誰駕黿鼉梁地下主者媼不翁天上主
者劉而張烈烈蚩尤魂持頭欲咋古帝軒轅黃千秋萬

歲心徒傷橫來小者侯而大者王乃今置之祝融汪古
月不涼今月涼不生不死百草何用神農嘗長劍玉珥
鳴琳琅北收黃河南收江乾坤納納一鉢藏筮亦不能
短龜亦不能長赤手捧出日月雙九頭之紀重紀天地
人三皇北不盡幽營南不盡荆揚呼取天孫爲織裳牽
牛爲服箱胡爲乃與下界蟣虱徬徨重徬徨古來顏回
爲素臣仲尼爲素王華袞斧鉞筆削終日忙有天僅倚
杵壓頭頭不昂丈夫動輒計萬世畢竟幾人遺臭與流
芳麟乎麟乎逢魯圉鳳兮鳳兮趨楚狂僬僬之民不自
小乃與龍伯大人之國相頡頏天欲無二光地欲無五
常世間狐貉瞰人盡更遣虎豹來九閭與君相逢今日

竟何日非蘇非李落日吟河梁三萬六千柳酒觴飽有
荔枝飢檳榔三生一穗沉水香死不用青蠅吊仲翔生
不用金雞下夜郎羅浮仙蝴蝶作繭供衣裳香溪之水
春可航朱明洞天逕未荒送君此去吾亦隱四百二十
二君待我開草堂麻姑玉女梅花美人盡列侍人間無
此溫柔鄉噫嘻乎嗟哉白雲鄉是溫柔鄉

鎮海樓送王豹君方伯

人文

之蜀女壁間彭剛直韻

秦漢河山勝國樓蒼茫雲物望中收提封五管無交趾
唐段南節度兼轄五府交州經畧其一也入夢二刀有益州吾輩且爲文字飲此行休
負武鄉侯眼看到海牂牁水憑仗清尊寫別愁

王豹君又字豹隱名人文時爲寧布政使鎮入

鎮海樓在廣州城北粵秀山上明洪武初朱亮祖建樓五層高八丈許一名望海在越王臺故址觀音閣之北

疊前韻重送王豹君

霸氣消沈剩此樓倚闌坐看瘴雲收三江東下朝炎海
五嶺南趨控廣州此地古來娛越帝有人今日餞韓侯
相期無負千秋在不作尋常送客愁

來詩有憂滇意三疊前韻

吳楚青山滿柁樓江帆風利不曾收郵程蜀水先巴水
邊警梁州近益州南徼旌旗開武帝東都弓矢錫文侯
碧雞金馬終無恙休向鄉關起暮愁

偶思藏事四疊前韻

籌邊重築贊皇樓徼外河山次第收蜀賈早聞通大夏

唐人原惜棄維州金瓶遺策思先帝鐵券分藩比列侯
此去安西勞遠畫恒沙無劫佛無愁

前詩于彭及樓事殊畧爲五六疊韻申其意焉

衡陽一老此登樓廿五年來迹未收詩草偶鐫山畔石
畫梅同鎮海南州千秋銅柱悲交趾一疏金牌比岳侯
諒山告捷而魏署電飭停戰彭疏以金牌召岳班師爲此語殊忠憤 霄漢此心吾亦有倚闌斜日不勝愁

天涯送客五層樓四月黃梅雨乍收劫火文章談獨漉
予藏有元季先生八分書煙雲圖畫憶雷州丙申初來廣州舉雷山人爲作越臺所作鎮海樓賦感冊訪古圖畫久祀矣圖中但有此樓耳新詩

偶和衡陽叟遺碣難尋勝國侯五百年來彈指頃不應
還替古人愁

七疊韻答來詩意

如此江山如此樓黃雲出地紫雲收蠹殘舊義張三世
蟻起新談大九州海外虬髯空作俠人間猿臂負封侯
學書學劍都無用胸有茫茫萬古愁

八疊韻有感于今之言理財者賦以示王非專爲
蜀言也

金闕銀宮玉作樓飛昇功效幾時收花開果落三千歲
棘地荆天四百州今日如求救時相古人原重富民侯
劇憐已竭東南力難解司農仰屋愁

九疊韻重送王豹君

城下清江城上樓陽關三疊韻初收文星南極尊前客
白雪西山劍外州故事蠻夷談大長新封方伯帥諸侯

蠶叢鳥道今平地無復當年蜀道愁

是日之客王方伯外有蔣亦璞廉訪式芬潘左階觀

察文鑑夏用卿殿撰同和而主人則丁伯厚侍講仁

吳玉臣編修漢鑑汪莘伯廣文光鑑及予也十疊前

韻

眼中縹緲此飛樓一代英雄坐上收木石心腸歌小海

夏鑑神仙名姓占高州潘茂黑頭公望推王掾青骨平生羨

蔣侯太史能文廣文冷有詩排悶酒澆愁

十一疊韻兼寄懷馬介堂軍門潘駟成都

文章不數賦登樓江左夷吾望早收洱海蒼山懷故國
華陽黑水領梁州籌邊若訪征南將被甲應逢新息侯

爲道丘遲今問訊鶯花二月寄春愁

十二三十四疊韻感喟無端聊復成此

萬方多難此登樓棋局長安却未收無地羅施非鬼國
有人平乘弔神州指南豈復遵黃帝袒左安能屬絳侯
洗馬渡江憔悴甚自愁原不爲人愁

長笛聲中客倚樓樓前江漲未全收平生風義劉司戶
亂世人才祖豫州官職郎君行馬貴功名厮養爛羊侯
琅玕錦段思酬贈未擬張衡賦四愁

千尺空江百尺樓鬚眉七尺氣全收酒評魯趙尊前國
笛破伊涼曲裏州未願山中呼宰相斷無地下反條侯
南朝已退臨江虜天子無愁妓莫愁

歸粵十四年矣愛其風土人物將長爲鄉人詩以

志之十五十六十七疊韻

嶺雲海日署吾樓

山中樂樓額曰嶺雲海日并以名署

潦倒平生萬念收孔雀文

章慚越客鷓鴣言語愛南州賁隅桂樹名他郡大庾梅花姓故侯但解此心安處好此間原樂未應愁

一曲清江幾畫樓水松陰裏暑全收孟嘗去後珠仍海

宋璟來時瓦此州萬斗量花持互市

凡買藥藥末刺花皆以斗計

十年種果

等封侯粵謳聽久吾能解拚已將心與解愁

濛濛海氣幾重樓閩海孤帆粵海收絕島流離歸故國

本朝豪傑數炎州萬家楚蜀生呼佛百戰蘇常死未侯

我愛文忠

略

更忠武

服

九原難起話鄉愁

十八疊韻答玉臣

寥落元龍百尺樓祇餘湖海氣難收
雄心河曲三呼渡殘夢天門八督州
嵩室白衣歸李泌穀城黃石瘞留侯
劉郎已悔神仙誤天上何曾可寄愁

十九疊韻仍前居粵之感也

鎮山鎮海兩巍樓

鎮山樓在鎮平城北桂嶺上亦明楚

兩鎮雄觀一覽收蒟醬自

來通蜀郡荔枝原不讓閩州荒村野祭劉巖帝

村墟間有漢帝廟祀漢高祖或

云黃州鎮也

古縣遺封史定侯

鎮平亦秦漢揭陽縣地

十四年來無一事愧教

雙鬢老邊愁

二十疊韻

依舊江山舊酒樓無多佳句錦囊收布金與佛談三世

鑄鐵看人聚六州海內知交半屠販冢中枯骨幾王侯
五湖欲載西施去一葉扁舟萬斛愁

二十一疊韻有憶

堤邊楊柳柳邊樓六角華燈夜未收十里荷花夢湖舫
二分明月憶揚州瑤天扇掩坤靈使銀漢槎廻博望侯
今日天涯芳草路玉璫緘札寫春愁

二十二疊韻哀粵中之窮也

三十六江江上樓早潮未上晚潮收陸梁地盡秦人戍
海曲天窮漢代州生有蒲葵歸故令死猶惹苒諗先侯
明珠翡翠年來竭不信嚴關不稅愁

二十三疊韻學使所居爲南園豹君方伯與新學

使沈君子封曾補皆能詩

飛虹雙跨隔河樓盡把南園古蹟收五夜德星占上界
一時名士聚南州風神落落王平子文采翩翩沈隱侯
不負昔賢壇坫地江山休送別離愁

二十四疊韻約君明日行矣書此以結前詩未盡
之意

走馬旋看建節樓中原王氣未容收同扶日月尊皇極
再拓河山畫禹州能識此時惟俊傑安知吾輩不公侯
羅浮風雨峨眉月聊寫天涯小別愁

況晴臯

仕任

移居清水濠招飲次韻

聞卜新居倚碧湍中庭地比舊居寬百車家具藏書富

五月江流抱閣寒大字署門防誤叩濁醪祀灶祝粗安
草堂詩就還呼飲已擬來過看藥欄

況晴暈名仕任廣西人時在南廣學務公所任職

答人問澹定邨

羣山忽豁見山門幽絕溪山是此邨雞犬雲中仙氣在
衣冠田舍古風存桂生前代成尊宿松占高峯長子孫
不必桃花千萬樹已教人作武陵源

曰松
光峯

邨有桂樹大藤歐許亭亭如車蓋已
三百餘年矣四山皆松其山之主峯

次韻贈亦璞廉訪

筆端燕趙悲歌氣如見望諸君不亡迢遞鄉心薊門月
清嚴詩律柏臺霜當君冠豸來南越值我騎麟下大荒

海上相逢此高詠料應公幹許升堂

戊申廣州五月五日作

南風吹沙何烈烈搏搏大地瓦解裂如山火雲勢歸截
欲雨不雨天益熱照眼榴花作午節江上水嬉武可閱
打鼓鳴鉦角優劣使船如馬馬化龍飛龍回頭笑跛鼈
百里橫江渡纔瞥嗟爾健兒好身手慎勿思起爲梟桀
年來民窮盜益多羣盜如毛不可櫛小猶鄉落事攻剽
大且據城謀篡竊此方告平彼旋起一歲之間四五發
東南已無乾淨土半壁江山半腥血民言官苛迫民變
官言革命黨爲孽彼哉革命黨曷言下言政酷上種別
假大復仇作藥榻橫從海外灌海內已似洪流不可絕

益之民窮變易煽魚帛狐篝競潛結事敗黨人輒跳免
東隣西隣相窟穴可憐惟爾愚民愚身罹兵誅家立滅
年來招兵兵益多東征西防未容撤飢困兵言月餉少
羅掘官言庫儲絀嗟哉民變猶可說祇憂兵變不可說
此事邇來已芽孽民猶可煽況煽兵龐勛之徒何代蔑
尤難言者東西隣公庇羣兇嗾內鬻鷹瞵狼睺謀我缺
彼謀我者原多途旣山取金路敷鐵更乘內亂肆厥毒
坐恐吾民靡有子我今內治方無人何力能俾外謀折
官惟露布誇賊平功狀張皇某某列愁來且進菖蒲觴
有荔如丹藕如雪龍舟歸去夜微雨仰視江天黯空闊

寄贈國學保存會諸子

文明古國五千載中經秦火詩書在漢興諸儒功最多
不有守先後何待西海潮流猛秦火東風復助爲妖禍
障川挽瀾今無人後生小子忘丘軻崑崙山高東海深
百王千聖知此心終看吾道益光大日月行天無古今

次王雪澄贈實甫韻 三首

未除鼃憤龍愁氣曾伍麀頭鼠目官雷雨文章驚世易
雲霄毛羽置身難千秋位業餘塵土四海知交幾胆肝
滿眼東西南北水不妨平地看流湍

我甯局促人間世不慕神仙上界官龍氣飛騰餘劍在
蛾眉謠詠入時難多生磨蝎纏身命餘技雕蟲鉤腎肝

久既心平物無競任他流水起驚湍

佛爲多情仍住世人原自貴不因官桑田滄海蓬萊淺
井絡天彭蜀道難萬里風塵愁入鬢百年圖史視傷肝
茫茫時局誰能挽已似扁舟下急湍

實甫將行賦此爲別

二首

同向天涯弔落暉百年回首壯心違沈沈楚澤龍猶哭
漠漠遼天鶴不歸西徼霜飛名士餅東都雲散大王旂
不須更向新亭去已對河山淚滿衣

欲借仙人玉笛吹送君五月落梅時英靈江漢無今古
風雨羅浮有合離何事黑龍逢帝怒前身青兕愧僧知
相思待祝衡陽雁更向南飛寄楚詞

李湘文

各隨

邀同雪澄實甫陶陽二子上涌村啖

荔枝作

東村有荔枝西村有荔枝南村有荔枝北村有荔枝村
人看客銜尾舟來時雙輪在前畫舫隨入涌涌路歧復
歧漁笛鳴使村人知村人有約遠迎客村童村婦紛來
窺幾成看殺衛叔寶荔枝樹下人爭圍豈知老饕蒼髯
已三尺餘客亦復髯髯皆有鬚但動食指思朶頤是時
荔枝半生熟青紅滿眼光陸離荷包太早桂味遲五月
黑葉方垂垂采之滿筐出供客更令飽飫兼僮厮我舟
泊處上有丞相祠

村人學杜
文康後

但能耕稼魏公莊豈必識字爲

佳兒村居若有千樹荔枝更用千戶侯何爲維閩與粵荔

枝國各有佳品因時宜君謨作譜起聚訟彼優此劣詞
何支我生于閩長僑粵有荔枝處皆嘗之平生嗜荔如
嗜色情人之眼皆西施少年最愛十八娘至今追憶神
猶馳自來嶺南日啖三百顆臨風輒念天人姿門書荔
子甲天下已生荔子生梅妃興化府署大書荔子甲天下梅妃是都民爲擢梅妃生閩楊
妃粵楊妃寵盛梅妃衰人間選色論品目兩皆尤物天
所遺亦如荔枝各具色香味相看不厭不見常相思奈
何玉環不自愛鄉味坐令蜀產稱珍奇蜀荔之佳萬萬
遜閩粵維髯蜀客亦謂言非欺惜髯但啖粵荔未到閩
海湄惟應楚客粵歸足傲道州老此來非早仍非遲無系
何昔我來遲今太早何子真太史海山仙館聯語也親解海山仙人絳羅襦臨江況復將別

離江天過午村雞啼滿船載得荔枝去濛濛烟雨遮船旗

荔枝 四絕句

海上仙裾解絳羅名園取次遍搜羅滿前姬侍皆佳麗
持較文山艷福多

天生尤物本消魂更取增城掛綠論一種天然好風格
西施初出苧蘿村

每將佳果比佳人自笑多生與種因粵艷閩香消受遍
不曾嚼蠟視橫陳

紫瓊膚孕碧瑤漿色味雙佳更帶香若援牡丹花史例
荔枝原是果中王

述災

炎天久不雨一雨遂汎濫三江勢俱漲有地皆水占平
鄉水過屋高市水入店桑田盡成海餘者山未陷無隄
能自堅有稻不得斂災民露天宿屢徙常倚担生者鵠
面立死者魚腹殮天心夙仁愛忍使民昏墊無家百萬
人仰視甯無憾雖有汎舟粟救死亦云暫來日良大難
安能久徧瞻平生愧禹稷餓溺常在念徬徨起中夕側
目江雲暗

五月二十八夜不寐

夜來忽憶兒時事海沸天翻四十年心緒如潮眠不得
曉星殘角五更天

重過感舊園

二首 園在小東門外舊衙赴盛京給君之約也

水木清華負郭園三年客夢此重溫
眼中故物詩留壁身後浮文酒滿尊
宿草青山名士淚落花黃土美人魂
池臺無恙仍今日已似聞琴對雍門

蕭疏樹石與摩挲荔子初丹載酒過
地下英靈應有語座中耆舊已無多
浮萍大海重相見長日過臺中故人聚折戟沈沙

冷自磨我感興亡過存沒東風回首萬重波

送劉銘伯之美洲

四首

輕裝又別五羊城海日曛曛送客旌
六月扶搖鵬未息看君舟繞地球行

西海之西東海東有洲懸立地球中
此行遍布尊親義

爲道中天日月同

不敲開國自由鐘
不爲尋洲踵閣龍
喚起黃人思祖國
海天長嘯落機峯

九萬征程走使車
一言九鼎信非虛
不須十部賢從事
齊拜劉公一紙書

贈陽湖陳生

大江浩浩趨海東
滙爲大湖涵遠空
由來江左數人物
民風雖雌文則雄
陽湖陳生二十九
手治官書百粵走
乞我題詩寫古愁
夜半携尊酌南斗

題忽來道人蕩寇志後

伯陽道人從孫書以予之

摧倒天罡地煞碑
文心絕世正而奇
九層寶塔圓光裏

看取參仙起慧兒

欲向人間告太平中原蛇虎正縱橫一庵雷雨羅浮霽
雲白峯青訪麗卿

湘文叟五月邀往上涌啖黑葉荔枝約六月桂味
熟再來叟病不果承畫扇見予卽次扇中詩韻
到處園林叫畫眉連村黑葉正垂垂江山盡入龍眠畫
風雨兼驚太白詞桂味近聞千樹熟簪簪前約一舟遲
水支已過山支好應是維摩病未知

贈慈善會諸女士

變現諸天善女身華鬘纓絡不生塵大千手灑楊枝水
來救龍荒百萬人

笙簧鼓吹文明氣不讓媧皇止水功起陸龍蛇消劫運
黃金先鑄女英雄

壽蘭史五十

五十尙如此百年將奈何文章新歲月涕淚舊山河暫
作支離叟難求安樂窩南飛孤鶴在聊取祝東坡

題劉伯端德配范菱碧所畫帳額二十四番花信

圖二首

廿四番風轉畫叉天教徐淑配秦嘉玉臺一管生春筆
遍寫人間稱意花

替花寫照爲花憐六角流蘇寶帳懸門掩東風春似海
劉綱夫婦是神仙

重陽夕作

蕭蕭風葉轉迴廊耿耿星河夜未央十載龍吟雙劍隱
五更蟲語一燈涼愁邊澤國飛鴻雁夢裏家山臥犬羊
遙憶黃花吾負汝故園今日是重陽

新樂府四章

都門舊語以社題

留海髮

薙髮令行二百年乃有斷髮新少年奈何當斷不斷後
垂長尾而留短鬣當其前嗟汝半邊頭笑殺蓬頭仙蓬
頭仙人劉海蟾匪仙而妖不女不男匪蟾而兔一笑堪
雄兔撲朔雌兔迷離妾髮覆額爲天下雌郎髮亦覆額
問郎將何爲

花賑會

聞災而喜以賑爲利海上善士萬貫解纏以賑爲名其
貴可卿不爲利名爲民疾苦灼灼羣花式歌且舞西北
苦旱爲雲爲雨汝爲神女東南苦澇蘆灰止水汝爲女
媧瑣骨觀音捨身救世摩登迦室爲此善會何以報之
祝花萬歲

萬牲園

中國所有畢羅致中國所無求海外力爲禽獸造世界
神禹所驅今復聚毛蟲羽蟲大和會除却鳳麟無不至
嗟哉夥頤萬其類無良無猛無蠢無靈胥目曰牲園吏
按冊皆可呼其名食粟者粟食肉者肉爾雖不能言無

不得所欲文禽武獸前後補京朝之官半寒苦人言員
外郎不及園中虎況爾窮民滿天下安能上與檻猿籠
鶴伍古來靈囿何足言天荒地老有此園長安夜半西
風起啼呼如在山林間

濟良所

濟良所濟幾何長安落花日日多不忍落花付流水欲
落不落扶之起今日園中桃昨日道旁李還汝自由自
今始噫戲乎嗟哉義軒子孫奴隸矣更復漂流海外作
人豕可哀豈獨兒女子濟良所奈何許

蟲豸詩八首

著者吟社題

蟲

黑白亦何常出身本不潔臭香任跼同但解啜膏血

蠱

朋起作民賊有何文可名人皆防利喙更莫震虛聲

蠅

附驥亦云幸營營殊可憎未容遽集此賴有玉壺冰

蛆

一死成水仙誰知孫登假趙趙復趙趙妄夢得天下

蜂

與君同死生義不殊貴賤由來香國中不立貳臣傳

蝎

爾族本在北與官同至南未能相見喜防爾尾間鉗

蚓

爾鳴亦云善爾操亦可嘉心肝爾全無老作兩頭蛇

蛙

占偏官私地聞聲足自尊有人來語海井底笑公孫

擬杜諸將五首用原韻

落居吟社題

金甌無缺舊河山難效前皇復閉關萬里邊塵來海外
九天兵法出人間中樞龍虎神符秘上將旌旂夕照殷
三十六軍齊忭舞登壇封拜屬那顏

留守東都擁百城春風燕寢動簾旌全收朔雪天王地
重起漁陽驍騎兵芒碭片雲應未散蓬萊弱水幾曾清
于今射虎誰飛將胡馬縱橫右北平

甘泉夜半屢傳烽太息陳書動九重未許天山三箭定
空聞函谷一丸封鬼神奇秘虛前席狼虎追呼急上供
籌罷軍儲籌歲幣年年仰屋大司農

新軍成鎮復成標兵氣東南鬱未消黃口小兒何咄咄
白頭諸將已寥寥支離殘骨千金駿照耀雄冠七葉貂
橫海樓船勞悵望幾時征討復天朝

汾水秋風雁復來百年人事不勝哀收兵自衛元戎府
教子誰登上將臺西極傳書青鳥使南山上壽紫霞杯
禁中早已儲頗牧不用焦桐爨下材

張肖夫明經索序其集爲題一律

二樵五百四峯雲化作詩人腕下文耆舊百年求嶺表

經師一席重河汾空山泉石傳高韻落日松杉寫古芬
今日著書休問世西風吹海正紛紛

晴臯以平蠻二將題名及元祐黨籍碑搨見贈并
先以詩賦此答謝

龍隱岩切北宋碑勞君遠搨費氈帷邊功一代歸樞密
黨禍千秋怨太師將相由來闕大局是非原不限當時
眼前無盡興亡史落日悲歌漳海湄

贈吳玉臣太史

冠冕樓高海月明鶴書屢下未成行如何當代文中子
不爲君王策太平

舊棲鸞處作毬場天上人間事渺茫我愛嶺南吳子野

海山高臥歲寒堂

次韻答晴臯自桂林東下舟泊陽朔見寄

四首

征帆又掛桂江頭，露下秋高潦未收。入海古來仍此水，

好山多處自維舟。畫中九馬逢陽朔，

陽朔山石有九馬形如畫

吟罷雙魚

寄廣州追憶故人當獨夜，亂峯相對寫離憂。

瘦石寒花幾度秋，十峯軒畔客淹留。鑒詩屢逐中原鹿，

入世難馴大海鷗。楊柳關河游子淚，芙蓉旌旆美人愁。

楓青月黑相思夕，此境空勞夢裏求。

西水今年沒渚洲，漲痕重疊水邊樓。藏蛟石洞深難伐，

穴蟻金堤潰未修。農舍荒涼場九月，炊烟延眺米千舟。

知君東下高吟處，祇有哀鴻與和酬。

幢幢燈影欲殘油
喔喔鷄聲起睡眸
金鼓關山勞北望
銀雲河漢黯西流
高秋鷹隼終須擊
大海鰲魚不可鉤
應有梅花開十月
不妨清夢託羅浮

秋興次張六士韻

八首

茫碭雲開大漢年
眼看楚蹶復嬴顛
收兵先下三秦地
奉使遙通百粵天
照盡古人珠海月
飄殘霸氣玉山烟
英雄祇剩前朝史
懷古悲秋意惘然

黃河東下走龍門
難起中原古帝魂
天上斗牛沈劍氣
人間鸞鳳掃巢痕
狄泉故壤雙鵝出
甌脫窮邊萬馬屯
不信開元天寶事
但留詩史浣花邨

萬里西風海欲波
荒荒白日奈愁何
美人臨穎渾脫舞

壯士陰山勅勒歌故國千年啼蜀魄蠻荒九死負黎渦
夢中還作釣天奏矇矓逢逢自鼓鼉

坐看桑從海上栽羣鷗見慣不相猜生毛有地供秦笑
呵壁無天慰郢哀兩帝中央謀混沌三山左股割蓬萊
故鄉游釣今何處空憶漁人讓曲隈

荒邨獨樹老夫家九月東籬菊未花金石自應求上藥
河山原不阻飛車禦寒豈合裘仍典謀醉何妨酒偶賒
未解長安西笑樂薛蘿門外是天涯

衣冠文武眼中新晏坐空山笑此身割地奇功酬鐵券
週天殘燄轉金輪後庭玉樹仍歌舞前席蒼生付鬼神
細柳新蒲非復昔更無人哭曲江濱

遼東華表鶴西飛但作神仙願已違故國河山殘照盡
秋風城郭舊人稀四郊戎馬邊聲急七葉金貂世譜微
休向哀鴻談往事江湖滿地稻粱肥
五嶺南來勢糾紛百年邊事漫重論月中潮汐爭消長
天外風雷駭見聞上國地埋龍虎氣中原人雜犬羊羣
山飛海立今何世閒就安期話白雲

張大士名翼龍大埔縣人公之詩弟子

菊花詩四律

著泥吟社題

平生遇合多乖忤不爲看花不出游良友偶來三徑夕
美人相見一庭秋飛鴻故國經年別下馬荒園竟日留
笑口自開愁眼豁西風休更送離憂

逢菊

平生恥作呈身事，坐愛黃花淡不濃。何忍投人羞晚節，不妨供佛借秋容。飄零冷艷荆山璞，催送寒香古寺鐘。雲水半瓶花一束，梵天持取對芙蓉。

獻菊

平生百不償，所願惟愛秋。英願獨償，何以報之花九錫。誰其云者，雁孤翔，黃金戰罷，先皇甲紫綬，勳垂島國章。有酒自澆，詩自唱，故園明日又重陽。

酬菊

平生不飲自天性，惟賞金英飲獨多。十日壺觴秋色老，滿城風雨醉顏酡。獨醒漫作餐英想，相對欣逢載酒過。我自壽花花共壽，尊前來聽百年歌。

飲菊

晴臯詩來兼惠黃精次韻答之

江山不復故，豈有故城郭。登高浩四矚，風塵變京洛。我

懷古仙人五雲有樓閣安能徇利名生命付鼎鑊服食
求神仙此意良不惡平生南北走藥蛇飲羊酪支離養
生事入世久飄泊非無合丹術神藥猶待索黃金未能
鍊四海一空囊入目皆桑田滄海已成昨仰天自搔首
白髮不可却高空何沈寥大野何廣漠投身墜世網羽
翼何時作我本江海人出世是歸着惟君知此意贈我
仙人藥靈兼芝草采冷共梅花嚼於時天地昏日月嗟
蝕薄蟠湫蛟龍戰磔肉狼虎攫長嘯謝世氛一任舟移
壑相期有霄漢雲霞得所託

十一月十五夜月蝕戲作

時始停止教讀

不聞金鼓代天誅休怪妖墓胆氣粗天上嫦娥應嘆息

人間從此救兵無

經壇冷落散緇黃吩咐嫦娥自主張東半地球無限事
那能更替月球忙

山寺

南園詩社題

玉盒移底面俱隈寺

秋來何處託吟鞭古寺尋碑踏暝煙柳外斷霞峯十二
花間涼月界三千西流星漢臨高塔南戒雲山倚梵天
風定相輪鈴不語下方人望佛燈然

秋入高林曉色鮮晨鐘敲徹寺樓烟柳邊洗鉢僧三兩
塔頂看雲象萬千西竺塵埋二世佛南宗花散四禪天
風幡不動心何動晏坐空山意黯然

旅夜書懷

用杜鵑廟韻

南園詩社題

一身萬里雲無定孤館殘更月欲斜湖海頻年思弟妹
干戈餘劫起龍蛇九秋客況愁中酒四海人心散後沙
倚枕不眠思故事漢朝終始在三巴

十二月十一書事

閱報作

不見高歡六鎮兵一身去國羽毛輕平生大志渾無着
落日荒荒夾馬營

十二月十一日書事指博展苑表世凱勳賞賚陳垣城事

白馬鄉有懷明義士賴若夫先生

有序

先生名其肖字若夫鎮平白馬鄉人明諸生明亡起
兵奉先朝正朔守縣境者數年屢敗清兵及勢不支
乃遜去不知所終乃明之完節士也先生童年嬉游

塾師責之曰若夫爲不善卽答曰若夫豪傑之士其自命如此白馬鄉今猶分忠孝節義四旂傳爲先生遺制明稗史皆作潮陽人而通鑑輯覽從之鎮平時猶屬潮州當因此誤云

萬山之中小縣耳乃有鬚眉之男子山是大明山水是大明水明亡六年猶守此豈有若夫爲不善人自不識若夫豪傑士若先生者乃能真不死忠孝節義名四旗白馬之鄉良足紀先生之風今未已噫噫乎嗟哉當時乃已神龍見首不見尾